

郝文忠公全集

邵文忠公全集

郝文忠公陵川文集卷一

高都 王鏐 涵紫 編訂

賦

擊蛇笏賦

并引

孔公原魯孔子之裔孫也仕宋祥符間嘗以笏擊祗蛇其事其節則有臨川之誌徂徠之銘王偁之傳在其笏則歸于今張文彥遠經晚進曲學固不足贅于諸公之未然義激于中而有不能已焉者謹賦而廣之其辭曰

昔仲尼之得政也兵裔夷尸姦宄藏甲出大都圯魯宴而齊沮王道之端于是乎啓奈之何天不假命遽行而遽止

其餘威遺烈鉞于筆而鈇于禮誅十二公之亂臣二百四十二年之賊子壓之以大經束之以大法莫敢瀆藝倫而擾天紀孰意其孽魄狙而不散逆靈締而不弭蟠結乎大塊之阿囚鎖乎九原之底乃卵狠而孕戾不矜廉而厲恥每間治而爲亂輒張慝而掩熒代謝屈信閱越于祀以及于宋化祆蛇而陸起窟宅乎廟堂馮附乎神鬼蜿蜒蜿蜒曳曳頽頽伸腹偃脊呀口侈噬呈露怪狀愕目奪視侈大澤之運動常山之勢愚吏蚩氓崩角蹶趾醺酒血牲匍匐祈祀若新莽盜國而無知之民共稱符瑞狂巫顛覲踴躍驚喜稱爲神龍因緣爲市若賊操竊權而嗜利之士爭爲

復書此於其端云

停雲

思歸也

停雲蔽日翳翳弗雨伊余懷傷自詒伊阻展轉拘幽莫或
念撫瞻望中原徙倚凝佇停雲悠悠蒸氛濛濛衝風入室
汎彼大江崩心震魄慨嘆北窓孰因孰極惟道是從服仁
佩義完節爲榮之死靡它寔余之情寤嘆弗寐攬衣宵征
載思子卿千載如生無媒取妻匪斧伐柯樂禍深仇焉能
爲和生民無辜遘凶旣多銷兵無期將奈之何

時運

安命也

時運代遷旣夕復朝我來幽都尼于江郊側佇風飈載翔

雲霄天澤弗流原田槁苗熱中熬熬孰沃孰濯密室陰陰
孰眷孰矚仰視俯察無愧則足知命何憂事天乃樂在昔
過魯風雩浴沂爰登岱宗曠然忘歸五夜觀日神光發輝
乃今坐井高蹤曷追太行之巔先人舊廬貞松鬱林中堂
歸如安得燕喜美酒滿壺否弗終傾壞運屬予

榮物 觀物也

榮木青青英華若茲氣至而滋人亦如之變陽化陰物各
有時無莫無適夫道一而翳翳榮木云云歸根多華早落
幾何生存大治通達乾坤為門深固有方封植倍敦升聚
退散載美載陋生基死涯信新屈舊大業弗藏萬有自富

造物忘物於焉有收脩身事天莫敢失墜造次九思局脊
三畏學聖造聖希驥則驥純誠粹精遂入獨至

贈長沙公族祖

述東軒老人也經之六世祖受學於明道先生至曾叔大父東軒老道益

大傳之先大父思而有作

世遠學傳道親族踈起宗大家罔不在初淵源益深歲月
聿徂慨我寤嘆載思躊躇於昭東軒棣華新堂心授口說
繡弓白璋習習和風冽冽清霜吾道有宗吾家有光一世
師儒雲從志同洪河北南太行西東緒爲湖湘流爲淮江
六經百氏包羅旁通邈予小子亦聞格言激揚餘波瞻仰
故山宿草荒阡抱書潛然惠我後世伊余之先

赤文忠公集 卷一
酬丁柴桑 自警也

孰使而行孰尼而止排難兩朝奔命千里終豈能必爰契
厥始稽山濤江覬為一遊隋甌半途十年隱憂豈作咄咄
祇賦休休來之坎坎天命悠悠

答龐參軍

始予年十六讀書於保塞鐵佛寺南堂不
解衣帶坐徹明者五年感而思之為賦是
也詩

孤燈長明終夜誦書躋深凌高中心自娛載汲載薪不遑
寧居惟梗伊蓬託處聚廬以道為富以德為珍勤以脩身
孝以事親師心造聖不資於人靜境神會伊顏孔鄰窮年
揭揭日夕孜孜力探自得何樂如之作為文章暢為歌詩

聲滿天地無爲無思渾沌復鑿太極再分警覺不寐怡然
懽忻軼起遠蹈馭風騎雲萬動皆寂博我以文一席五載
默以道鳴弓旌下招遂成飄零遠奉信函使于吳京故業
委地朔南失寧焰焰古佛依依北風深窓短檠時見夢中
孰令一人乃異初終祇緊其逢載飭厥躬

勸農

閑農也兵亂以來四民失業農病爲甚因讀淵明勸農之作感而賦此

植天務本實惟農民力田效勤含淳守真代食惟賢勸恤
相因耒耜之益始活斯人每原田奕奕黍稷雨暘若時
具來播植惟是穠滋惟是稼穡倉庾惟盈斯人足食爰自
兵興魚涸處陸汙萊菑畲澆散純穆浚肌刮骨隳音輶音與

塵逐婦役弗蠶夫征弗宿共政蝟起紛更弗久饑腸曷充
獨耕無耦旣空杼軸孰事畎畝流亡異土隕涕博手食衆
農寡安得不匱有年無種豐獲安冀盜賊羣起餒死並至
曾是司牧曾是無愧井地荒空吐俗頑鄙逐末逞僞無復
率履農爲匪民犯繩越軌本旣凋傷政何由美

命子

感子也余生三十有五年舉四子而三天馬季
日阿壽生四年矣而余使宋十二年弗克撫育

感而有作

余家冀方遺風帝唐詩書是傳奕葉有光厥初受氏爰自
殷商由漢迄今載僨載昌金源之亡屯盈禍周百口九族
竟不首邱父獨抱子脫死橫流敢望子孫復始公侯獄獄

樹立自別豬龍治經立學生人之功鬼抉神搜天緘地封
坦坦正道明明高蹤淪苗起宗暢根達柯乃嗣乃續庭充
府羅天不整遺未臯而窳宛宛三穉遽委蟲沙曷敢尤天
祇自咎德阿壽始孩弗子去國川途阻脩變故揆忒教之
誨之於焉可得不成乎終何誕乎始徒耀松楸謾驚閭里
有子無子命數定止未能無情與物悲喜旣已奪去摻上衫
聲之弗及亦旣生存寧必成立不孝之罪聖人所急大禹
荒度亦憫呱泣物生不齊亦各有時天弗私爾勿勞爾思
魚腹子滿孰繁若茲螺贏類我孰其使而林回棄壁厲夜
求火不知其天祇解私我失惡乎否得惡乎可坼裂啄食

屬離是假孤館四鄰擾擾嬰孩一死一生朝去暮來胡肖
不肖胡才不才敬恭脩身曷云悲哉

歸鳥 寓感也

歸鳥翩翩集于深林飛雲遙遙反彼高岑瞻望弗及實勞
我心重門擊柝闕于幽陰歸鳥翩翩深林于飛飛雲遙遙
高岑是依嗟我征夫曷云還歸瞻彼北辰翰音弗遺翼翼
歸鳥鷄翔徘徊曳曳飛雲巖谷是棲鼓瑟鼓琴云胡不諧
孰為知音伊余孔懷翼翼歸鳥棲于故條曳曳飛雲鬱其
高標伊余南征輸平內交滔滔弗歸故山夢勞

形贈影

萬象生道區受形各有時運會迭往來寢揚成壞之妙合
我初凝爾亦即在茲隱見陰陽中幻化無了期寤寐一死
生寂然匪爲思我勞爲有此爾苦勿涕洟請看聲與嚮相
隨復何疑大都本無有相贈徒費辭

影答形

靜陰乃道影範圍無巧拙大車轉通達轍迹豈能絕妍醜
君固有隨君非慕悅日月相代明豈能與君別思君不如
我君沒我不滅生死無加損得失豈內熱因物不遂物原
原靡衰竭君終復隨我茲時見優劣

神釋

出入生死間妙物不自著物物弗爲物超然變新故二子
一醯雞羊負相冒附成壞不在已安用相告語元陽初化
時靜一是存處在在靡方所悠悠無定住陶老信達者得
失委命數全神乃遺形種秫脩釀具一醉樂有餘陶然忘
毀譽醉夢曾弗辨町畦都削去旣不將不迎亦何憂何懼
能逃世上名豈有身後慮

九日閒居

憶九日登隗臺

高秋登隗臺悵然思樂生君臣灑落契千載稱榮名西風
菊花期日照黃金明青山遶故國白鴈遺燕聲佳時動幽
懷晏景催短齡浩歌正激烈樽酒時自傾故鼎反磨室六

雄競光榮督亢一寒蕪酒酣重傷情
丈夫遇主知唾手成名

歸園田居六首

憶登封盧溪幽居
唐盧鴻故居在焉

童穉遊鹿豕野逸便深山幽居遠世塵
顥顥羲皇年盧溪鬱巖阿繚壁涵清淵
徵君始真隱種玉開石田幽人競卜鄰
聯落崎阻間竹木茅舍邊桑麻橘籬前
三春牡丹雨十月梅花煙盧溪故居有徵君祠祠前牡丹甚盛背坐竹木間多古梅故云
孤雲出遙岑頽日下層巔性與萬化寂
身同天地閒一從入羈羈趨蹶寧復然

區中戰羣倫兩馬復掉鞅樂哉山
中人身世無妄想避世

如避仇納履遂長往耕鋤足衣食生聚羅釋長含淳遂天
真體胖心亦廣底事綺里季出山真鹵莽

雨餘山色淨霜降木葉稀南澗拾梨栗帶月吟風歸青青
路邊蘭細細侵裳衣飯飽晦亦足物我兩無違好山無俗
人林泉有真娛種秫足自釀高下開荒墟清溪侵古屋况
有高賢居綠竹掃山色奇木近千株鄰舍幾父老話言皆
純如相見即痛飲甕盎傾無餘酒酣藉月卧清興欲凌虛
云誰知此樂此樂世間無

攜酒招野人共飲清溪曲蔬菽總狼藉一醉萬事足苔痕
入窪樽林影上碁局月出盃更深不須更秉燭歸去靜柴

靡酣卧日已旭

中天太少室青滿洛陽陌三十六芙蓉舍此將安適嵐光
上晨曦秀色宜日夕攀躋景無窮養生地有隙不聞車馬
喧豈憚耕鋤役奔騰三十年樂事都敗績面目祇自憎俗
死竟何益

問來使

同前

朝拾澗底松空翠冷潑目暮歸東籬下自種今秋菊清泉
洗碎月襟裾有清復高卧幽夢長不覺黃粱熟

遊斜川

憶西邨

江壖坐白頭自分如歸休十年不出戶夢憶西邨遊看花